

Тез-тез хорижга чикиб, юрт кўрган хар кандай киши каби, Кодир хам божхонада ишлаган одамларнинг феъли-хўйи ва хатти-харакатларидан ўша мамлакат хакида хакикатга якин хулоса чикара оларди. Божхона хизматчисининг ковоги солик, назари муздай совук, безовта бўлса, бу: “Оёгингни ўйлаб бос ва хушёр бўл! Бу мамлакатда шоширтириб кўядиган турли-туман кийинчиликларга дуч келишинг мумкин”, – дегани эди. Ходимлар очик юзли, хушфеъл ва хотиржам бўлса, бу: конун-коидаларга амал килсанг, хеч муаммога дуч келмайсан, деган маънони билдиради. Шундай экан, Кодир хам бошка тажрибали кишилар сингари, келган юртидаги вазиятга, янада тўгрироги, бу ердаги божхона хизматчилари муомаласига кўра, иш кўришга харакат киларди. Бир мамлакатга киришда коидаларга мувофик хурмат кўрсатган холда, киборларча хушмуомала бўлар, бошкасида эса ишини тезрок битириш пайида шошаётган, кўпол, бакирок кишиларга ўхшаб кетарди. Максад – хужжатларни тезрок расмийлаштириб, божхона эшигининг у томонига ўтиб олиш.

Тонг палласи.

Куёшнинг кўз камаштирадиган порлок нурлари самолёт деразаларидан кириб, ичкарини тўлдириди. Самолёт кўниш учун пастлай бошларкан, куёш тоглар ортида колди. Самолёт кўнгач, кўп ўтмай тоглар ортидан куёш яна жамолини кўрсатди.

Кодир хорижга, бу мамлакатга биринчи бор келиши эмасди. Божхона каерда эканини, бу ерда ишлайдиганлар, мамлакатни яхши биларди. Нима килиш, ўзини кандай тутиш кераклигидан хабардор эди. Даставвал, аэропорт божхонасидан ўтиши, сўнг транзит виза билан бошка-бошка иккита таксига чикиб, кўшни мамлакатга ўтиши керак эди. Шу холос. Жуда оддий. Аммо шундай бўлса-да, “Кўрайлик-чи, бу гал неларга дуч келар эканман?” – деб ўйларди.

Аэропорт киришида виза ишларини расмийлаштириш тез битди. Кўшни мамлакат визаси ва у ерда ишлаш рухсатномасини кўрган мазкур мавкеини писанда килмокчидек, паспорт варагига мухрни карсиллатиб урди ва кўпол бир йўсинда узатди.

Кодир маъмурга билдирмай бир ух тортиб кўйди. “Шу божхона деганлари ёниб кетмасмикан!” – деди ичида. Энди бир такси ёллаб, иккинчи божхонага бориши керак. Кодир аввал аэропортдан кўшни мамлакат божхонасида якин бекатга бориши, у ердан бошка таксига ўтириб, йўлида давом этиши керак эди. Иккинчи таксида кўшни ўлканинг давлат раками бўлиши лозим. Асфалт йўл оркали ўтиладиган барча божхоналар ёнида хар икки мамлакатга оид автоуловлар давоми бўлади. Мабодо, таксининг раками бораётган мамлакатники бўлмаса, йўлда дуч келган йўл политсиячиси тўхтатиб, назорат баҳонасида пора сўраши мумкин эди. Кодир учун гоят мушкул иш эди. Буни у хам ўзи, хам рўпарасидаги кишига нисбатан хакорат деб билар, кийналар ва хижолат бўлар эди.

Аэропорт эшигидан чикмасиданок икки киши: “Такси керакми?” – деб эргашди. Кодир уларга хеч нарса демай тикилди, эрта тонгданок машинасида чикадиган кишининг юз-кўзи, киёфасидан кайси бирига ишониш мумкинлигини билиб олишга уринди.

Икковига хам кўнгли чопмади, олга кадам босди. Талабгорлар бирдан кўпайди.

Ораларидан хотиржам, ўрта ёшдан сал ўтган, тўладан келган бирига боши билан розилик маъносида ишора килди.

Таксичи ўзига ишонган бир тарзда олдидаги иккита йигитни кўллари билан четлатиб, Кодирнинг юкларини олди.

– Машина анави ерда, кани мархамат, – деди.

– Бошкалар йўловчилар атрофида ўралашар экан, айни чогда кўз кири билан Кодирнинг таксичи билан савдолашишини кузатиб туришарди. Агар уларнинг савдоси пишмаса, дархол оркага кайтиб, йўловчини илиб кетишни кўзлашарди.

– Каёкка борасиз, ака?

Бу савдони ўз фойдасига хал килиш учун ишлатиладиган усул эди.

– Хончайирга, – деди Кодир.

– Юзга кетамиз.

– Кирк бўлар.

– Аммо, ака, хали кеча-ку, кечки нарх шунча бўлади.

Кодир бир куличча кўтарилиган офтобга каради.

– Мабодо, сен учун яна бир куёш чикмаса, аллакачон кундуз бўлди. Кирк етади.

– Бўпти, ака, эллик, – деди таксичи.

Кодир майли деган маънода бош иргади. Машина Европадан хорижга кандай чикишигани номаълум эски “Мерседес” эди.

Хоргин мотор зўрга гулдиради.

– Кўшни томонгами, ака? – деди таксичи.

Хончайир икки мамлакат орасида йўловчи ташийдиган таксичилар тўхтайдиган бекат эди. Тажрибали таксичи йўлнинг давомини кийналмай топган эди.

– Ха, – деди Кодир.

– Ишончли огайниларим бор, ака, уларнинг машинасига ўтказиб юбораман.

– Бўлади, лекин машинанинг раками уларники бўлсин.

Нон пулинин бошкалардан илиб кетишга муваффак бўлган бу одам Кодирга яхшилик килмокчими ёки кўшни таксичидан даллоллик пули олмокчими? Кодир хаёлига келган бу саволга жавоб ахтариб хам ўтирмай, куёш нурига чўмган кирларни томоша кила бошлади.

Иккита йўл назорати постидан ўтдилар. Хар гал политсия машинасини кўрганида безовта бўлган таксичи ўз тилида “порахўрлар” дея сўкиниб кўярди.

– Факат улар порахўрми? – деди Кодир кулимсираб.

– Кайдан билай, ака, бизни ўртаганлари учун шуларни биламиз.

Кейин таксичи болалари хакида сўзлай бошлади.

Хончайирда бошка таксига ўтиш тез хал бўлди. Аэропортда топилган машина янгилик, хайдовчиси хам ишончли одамга ўхшарди. Кискагина савдолашувдан сўнг юклар бу машинага жойлаштирилди. Кодир хакини тўлаб, ўрта яшар шофёр билан хайрлашди.

Кўшни божхонага тез етиб боришли. Божхона тинч эди. Шофёр:

– Мен машинанинг ўтиш хужжатларини расмийлаштираман, унгача сен хам ишингни битир. У томонда кўришамиз, – деб Кодирни туширди.

Кодир янги курилган божхона биносига кирди. Паспорт назорати дарчасини излади.

Хона бўм-бўш. Эрталаб энди иш бошлаган маъмурлар атрофга тетик бокишарди.

Кодирнинг кўзлари дарча оркасида ўтирган ёш маъмурнинг кўзлари билан тўкнашди.

Кодир паспортини узатди.

Маъмур паспортни тез-тез вараклаб, аввало, суратли варакни топди. Бир суратга, бир Кодир юзига тикилди. Паспорт назоратидан ўтишнинг энг бездирадиган они эди бу.

Маъмур шубҳали бир тарзда яна суратга ва кейин Кодирнинг юзига диккат билан тикилди. У бу лахзани атайлаб узайтираётгандек туюлди. Сурат эгасиники эканига ишонч хосил килгач, мамлакат визасини топиш учун яна сахифаларни вараклай бошлади. Кодир индамай кузатиб туарди.

Маъмур виза сахифасини топди. Шошмай визани текширди. Олдидағи компьютер тугмаларига кўл узатаркан:

– Ишлагани келяпсанми? – деб сўради.

– Ха, – деди Кодир. – Курилиш ширкатининг бошлигиман.

Кайси соҳада ва кандай вазифада ишлашини сўрамасиданок айтган эди. Барибир сўраган бўларди.

– Мудирмисан?

– Йўқ, мудир ўринбосариман.

Бу орада у Кодирнинг исми шарифини ёзаётган эди.

– Ундан бўлса юз доллар бер.

– Яхши, лекин барча хужжатим тўгри-ку, нега юз доллар беришим керак?

Кодирнинг гапларини эшитмагандай тугмаларни босиб, паспорт номерини ёзишда давом этди.

– Мамлакатимизда неча йилдан бери ишляпсан?

– Тўрт, – деди Кодир.

– Тилимизни яхши ўрганиб олибсан.

Кодирнинг ажнабий эканлигини билмаганлар тоза сўзлагани учун уни шу ерлик деб ўйлардилар.

– Тил курсида ўқидингми?

– Ха, келган йилим олти ой тил дарси ўқидим.

Маъмур бош кўтармасдан:

– Ундан бўлса, эллик доллар бер, – деди.

Худди, Кодир ўз тилини яхши гапиришидан мамнун бўлиб, нархни арzonлаштираётгандек эди.

– Яхши, лекин, нима учун беришим керак, менга ёрдам киладиган бирон иш йўқ-ку.

Менинг барча хужжатим тўгри бўлса.

Яна у бепарволарча компьютер тугмаларини босишда давом этди.

– Ишлаш учун рухсатноманг борми?

– Бор.

– Ёнингдами?

– Ха.

Рухсатномани кўздан кечиргач, уни паспортнинг ёнига кўйиб, тортмадан муҳрни кидира бошлади. Яна бошини кўтармай:

– Майли, бўлмаса йигирма беш доллар бер, – деди.

Кодир кулишини хам, аччикланишини хам билолмади.

– Нега беришим керак, айт шуни.

Маъмур муҳрни топиб, олдин бўёкка суркади, сўнг шиддат билан паспортга урди.

Иш рухсатномасини паспорт орасига жойлаштиаркан:

– Кел, бир чой ичайлик, – деди.

Таклифни рад этишга вакт хам колдирмай, ўрнидан турган маъмур паспорт ушлаган кўли билан оркасидан эргашишини ишора килди.

Дахлиз оркасидаги хонада паспортни кайтарди. Сухбатни Кодир ўз тилини канчалик яхши билишидан бошлади, сўнг курилиш соҳасидаги ишларга ўтди. Чой келди. Маъмур чойидан бир хўплам ютгач:

– Бўпти, ўн доллар бер, – деди.

Кодир эса хайрон бўлди. Ташвиши битган, паспорти чўнтагида. Энди бу ўн доллар

дегани нимаси?

– Бўпти, бераман, лекин нима учун беришим кераклигини айт.

Маъмур Кодирнинг юзига тикилиб:

– Эй, Кодирбей, сен бермасанг, бошкаси бермаса, унда мен ишга жойлашиш учун берган пулни кимдан олишим керак?

Кодир тахтадай котиб колди. Эшик томонга тикилган кўйи, хамёнини чикарди ва ўн доллар узатди. Чойини охиригача ичмаёк, оёкка калқди.

Маъмур эшикка кадар узатди. Эски танишлардай хайрлашдилар.

Ўзини кутаётган таксини топди, йўлга тушдилар.

Кодир назорат постларида тўхтатсалар, ўн долларни таксичига тўллаттириш йўлини ўйлай бошлади.

Туркчадан Бобохон Мухаммад Шариф таржимаси
Шарқ юлдузи» журналининг 2010-йил, 5-сонидан олинди.